



KOU 2: Fondasyon ak Estrikti HTML5 (V2)

Sijè: KOU 3 - Baliz Ekriti ak Òganizasyon Done (HTML san CSS)

1. REZIME KOU 2: Fondasyon an

Anvan nou bati kontni an, nou dwe asire nou metrize estrikti debaz la:

- `<html>`: Se manman tout paj la.
- `<head>`: Sèvo paj la kote nou mete konfigirasyon yo.
 - `<meta charset="UTF-8">`: Pèmèt nou sèvi ak aksan kreyòl yo (ò, è).
 - `<meta name="viewport" ...>`: Fè sit la parèt byen sou telefòn.
- `<body>`: Kò paj la kote tout sa vizitè a wè dwe ye.

2. BALIZ POU EKRI TÈKS (TEXT TAGS)

Men baliz ki pèmèt nou mete ak dekore tèks san nou pa bezwen kontenè oswa medya:

A. Tit yo (Headings)

Nou gen 6 nivo tit pou nou bay enfòmasyon yo enpòtans yo merite:

- `<h1>`: Tit ki pi enpòtan (itilize l yon sèl fwa pa paj).
- `<h2>` rive nan `<h6>`: Soutit ki vin pi piti selon nimewo a.

B. Estil ak Dekorasyon

- `<b>`: Mete tèks la an Gra (fonse).
- `<i>`: Mete tèks la an Italik (panche).
- `<u>`: Pou nou `<u>soulinye</u>` yon mo.
- `<small>`: Pou nou ekri yon ti tèks tou piti.
- `<hr>`: Trase yon liy orizontal pou separe de (2) pati nan paj la.
- `<br>`: Kase liy lan pou desann anba san kreye yon nouvo paragraf.

3. LIS AK TABLO (ÒGANIZASYON)

A. Lis yo

- `<ul>` ak `<li>`: Lis ki pa gen nimewo (ak pwen).
- `<ol>` ak `<li>`: Lis ki gen nimewo (1, 2, 3...).

B. Tablo yo

Tablo sèvi pou nou ranje enfòmasyon nan liy ak kolòn:

- `<table>`: Baliz ki louvri tablo a.
- `border="1"`: Atribi sa a trase liy kad la pou moun ka wè tablo a.
- `<tr>`: Yon liy nan tablo a (Table Row).
- `<th>`: Yon tit nan tèt yon kolòn.
- `<td>`: Yon bwat enfòmasyon senp.

4. LYEN YO (NAVIGATION)

- `<a>`: Baliz sa a pèmèt nou konekte yon paj ak yon lòt ak atribi href la.

5. MODÈL PRATIK: YON SIT BLÒG (SAN CSS)

Kopye kòd sa a nan SPCK Editor pou w wè rezilta a:

```
<!DOCTYPE html>
<html lang="ht">
<head>
  <meta charset="UTF-8">
  <meta name="viewport"
content="width=device-width,
initial-scale=1">
  <title>Kou 3 - Blòg Pratik</title>
</head>
<body>

  <h1>Global Plis +∞ News</h1>
  <p>Òganizasyon k'ap ede jèn yo
  avanse nan teknoloji.</p>
  <hr>

  <h2>Kijan pou w vin yon Devlopè
  Web?</h2>
  <p>Nan fòmasyon sa a, n ap aprann
  <b>HTML</b>. Li <u>enpòtan</u> pou
  w pratike chak jou.</p>

  <h3>Etap pou swiv:</h3>
  <ol>
    <li>Telechaje SPCK Editor</li>
    <li>Swiv kou Global Plis yo</li>
    <li>Fè tout devwa yo</li>
  </ol>

  <h3>Orè fòmasyon an:</h3>
  <table border="1">
    <tr>
      <th>Jou</th>
      <th>Lè</th>
    </tr>
    <tr>
      <td>Lendi</td>
      <td>8:00 PM</td>
    </tr>
    <tr>
      <td>Vandredi</td>
      <td>8:00 PM</td>
    </tr>
  </table>

  <p>Pou plis enfòmasyon: <a
  href="https://google.com">Klike la
  a</a></p>
</body>
</html>
```

DEFWA POU ELÈV YO

Kreye pwòp paj blòg ou sou yon sijè ou renmen (Espò, Mizik, oswa Biznis).

Sèvi ak omwen 3 nivo tit (h1, h2, h3).

Mete mo ki pi enpòtan yo an gra ak italik.

Fè yon lis 3 etap oswa kategori.

Kreye yon tablo ki montre yon orè oswa yon lis pri ak border="1".

Mete yon liy separasyon (hr) ak yon lyen (a).

"Pran kòd la an men, se konsa n ap vin ton devlopè WEB!"